

Seizgan gvaqbae ndaej sawj vunz yienghsiengq bienq laux, hoeng gij gyaез ndawsim vunz ciengxlwenx mbouj rox laux bae.


Daxboh gou dwg boux lauxsae bingzciengz ndeu, saedcej de gvaq ndaej gig bingzdamh, ndaejhoengq dingq di yinhyoz, cimz di cazmoq, gwn di laeujdoj, dwg seiqvunz de gij yinxdaeuz ceiqhung lo.

Mbouj rox daj seizlawz hwnj, daxboh gyaез hwnj soucomz gij doxgaiq dingq yinhyoz, de ceiq gyaез dwg dauq lizdij vanzyauj yinhsiengh ndeu, yienznaeuz itcig daengz seizneix gou lij caengz geiq ndaej dauq yinhsiengh haenx dwg heuh baiz gijmaz. Gij yinhsiengh ndaw ranz cungj mbouj suenq moq, dingzlai dwg gij vunz yungh gvaq caiq gai okdaeuj le, daxboh cij cawx dauqma, hoeng daxboh gig ngamjeiq gij doxgaiq de genj ndaej neix.

Gou naeuz, daxboh maez gij doxgaiq dingqgo neix maez ndaej hawj vunz geizheih. Daxmeh dauqfanj naeuz gou yi, daxboh yienghneix guh cungj dwg aenvih bihaenx gou gangj gvaq coenzvah yienghneix: “Doengh gaiqdingqgo raeuz dingq hwnjdaeuj mizdi bienqdiuh lo.” Itcig daengz seizneix, daxboh lij gyaез naengh youq gwnz aen eijngauz, itmienh dingq yinhyoz, lij itmienh cam gou: “Iq, mwngz raen dauq gaiqdingqgo neix baenzlawz yiengh?”

Singo youq ndaw yinhsiengh

sanjvwnz



daxboh ciengq le haujlai bi, youq ndaw gij singgo doenghsim haenx, dinboem daxboh ciemhciemh bienq hau.

Mbouj rox daj seizlawz hwnj, daxboh gyaез hwnj gwn caz lo, ndaej-hoengq couh heuh baenzbang baengz-

youx daeuj, itmienh gwn caz itmienh lwnhgoj, lwnh baenz ngoenz baenz hwnz; de hix gyaез gag cimyawj aen huzswjsah baengyoux de haujlai bi gaxgonq soengq hawj de haenx, gag angq gag yinx. Daxmeh naeuz, neix cungj dwg aenvih bihaenx yawjraen gij

yiengh gou dingz yamqdin youq henz bouqcaz, yawj gij raemxcaz sawdikdik ndaw cenjcaz da cungj mbouj yaep, heuh hix mbouj deuz. Itcig daengz seizneix, daxboh lij gyaез rag gou naengh youq henz ndang de, caeuq de cimz gij caz de ceiq daekeiq haenx, yienzhaeuh cij cam: “Iq, mwngz raen gij caz neix baenzlawz yiengh?”

Gij raemxcaz youq ndaw cenjcaz lae hom le haujlai bi, caemhcai q youq ndaw haemzgam doxgap haenx, gwnz gyaеuj daxboh byoemhau ciemhciemh demlai.

Mbouj rox daj seizlawz hwnj, daxboh gyaез hwnj oemqlaeuj lo. De gwn laeuj, hix cij gwn gij laeuj gag oemq haenx. Bi daengz makitroeg baenzgwn, de cungj yaek bae cawx ma haujlai haujlai, cungj gyaез coi daxmeh: “Oemq vaiq di, yienghneix gvaqcieng seiz lwg’ iq dauqma couh ndaej gwn lo.” Mbatneix dwg daxmeh gag lwnh gou nyi, gij yiyi daxboh oemqlaeuj, dwg daj laeng gou bihaenx gwn sat gaemz laeuj makit le gwnznaj cuengqrim gij angqyangz haenx.

Gij laeuj ndawbiengz caem le haujlai bi, youq ndaw gij laeuj homftwftwft neix, diuzhwt daxboh ciemhciemh bienq goz lo.

Hwnz gvaq ngoenz daeuj, seiz byaij gingj bienq, hoeng gyaез daxboh cix lumj gij yinhyoz neix, mbawcaz neix, gij laeujndeix neix, gaek youq ndawsim gou, gvaq ndaej yied nanz, yied saenqdoengh sim vunz.

Bi it gouj ngeih caet
Bet nyied haet it hauh
Nyi sing cungq sing bauq
Bouxbing gauj hoenxcienqg

Gungcanjdangj hai bauq
Nanzcangh gauj gijyi
Wnhlaiz caeuq Cinz Yi
Cungq diz fanjdungbai

Cuh Dwz caeuq Ho lungz
Yinx gyoengqdoi h baenaj
Gijyi naeuz caezgya
Cungq yiengj ma baez nduj

Gunghoh Genginhcez

庆祝建军节

□ Sub Dasingh /苏大星

Budui bae lajmbanj
Ganj laeb gwnhgidi
Byaij riengz Mauz cujsiz
Gwzming miz maqmuengh

Hungzginh byaij cangzcwngh
Buekmingh daengz Yenzanh
Gwzming youh fazcanj
Youq Sanjbwz hoenghhwd

Dingj hoenx fangz Yizbwnj
Yinzminz hwnjdaeuj bang
Fangz Yizbwnj douzyangz
Daengx guek angqfwngfwng

Dajdauj fangjdungbai
Caiq laeb Cungguek moq
Gej beksingq haemzhoj
Hen guekcoj bingzan

Yinzminz gaijfangginh
Cin(caen) dingq dangj vix cungq
Heuh daeuj couh naengz cung
Baez gung couh aeu hingz

“8·1” cietgenginh
Sing gunghoh gokyienq
Caez dawz singgo ciengq
Riengz dangj byaij daengznauq

Genginh bet roek bi
Lizsij guhcingq raeuz
Sinhøj byaij gvaq daeuj
Baihna j gyaеu youh rongh

Seizhaenx, caizmoubu bucanq Liu Dunghswng h、liengzsizdingh dinghcangj Vangz Gwzginz、caizban fucujyin Yin Gwnghgingh、caiz-cwngdingh dinghcangj Goh Cwngz daengj vunz, cungj dwg bouxhek ciengz daeuj bangunghsiz Veiz Gozcingh haenx.

Bi haeuxgwn ceiq dwgrengz haenx, ndaw cang haeuxgwn daengx sweigih cij lw 1 ik lai goenggaen haeuxgwn, cingzgvang yungyiemj raixcaix, Veiz Gozcingh caeuq Ho Hihmingz doxyaeng, couh lumj youq budui cijveih hoenxcienq nei, gaem ndei seizde sikhaek gietduenh, buet hawj liengzsizdingh 100 aen ciheiq, iugouz Vangz Gwzginz comz cuengq mbangj haeuxgwn youq 10 lai aen diemj gyaudoeng lai fuengbienh haenx, baij ganbu maenhndei maeuqdiemj guh cijveih, gyawz noix haeux le, cix doq yinz gvaqbae gouqmingh. De dansim miz mbangj dieg lanzdaengj diuh haeuxliengz, daegdaengq daengq caizmoubu

bucangj Liuz Dunghswng h caenndang dwk dienhvah hawj mizgven diveij suhgi, naeuz gij cosih neix dwg sincung ngeixyaeng gvaq cix dingh okdaeuj, iugouz gak dieg gapbang banh ndei gienh saeh neix. Caenghuenj bihaenx seizcin souh cai gig haenq, hoeng aenvih cingsim baijbouh, cosih habdangq, doeklaeng cix ndaej dohgvaq nanzgvan.

Binaengz cingeng gonq, Veiz Gozcingh cungj aeu cam gij cinggvang cang rom vafeiz caeuq nungzyoz

haenx, miz saeh cix bang gaijgez. Seizde Guengjsae miz siujliengh vaivei, cujyau yungh daeuj cawx gij vafeiz haeujguek.

Gij huqngoenzyngh Guengjsae, miz bi ndeu song bi hawciengz gunghawj mbouj gaeuq raixcaix, vunzlai miz yigen. Cingzgvang fanjyingj hawj Veiz Gozcingh, de cix caenfwngz raiz saenq hawj goengdaeuz Sanghaij, cingigouz Sanghaij gunghawj huqngoenzyngh hawj Guengjsae.

Miz baez ndeu, de daj gij saenq

lwgminz raiz daeuj haenx ndaej rox, diegrungh baihsaebaek Guengjsae miz mbangj yienh mboujmiz gyugai, doq ra Liu Dunghswng h. De naeuz: “Lauxliu, mboengqneix gou sou daengz gij saenq lwgminz raiz daeuj, fanjyingj diegrungh gyu deng duetgai, sou baez caz baez ndeu, caenhvaiq naemj banhfap gaijgez.” De rox, vunzlai diegrungh diegbya gaijfang gaxgonq gig nanz ndaej gwn gyu, haujlai vunz aenvih noix gyu hoz baenz ai.

(caengz sat)

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□ Hoz Saubangj sij Cinz Siengzcouh Liuz Gingliuj Cinz Siengzgen hoiz